

الأسفار الشعرية

مزامير - الجزء الأول (مزمو 1 و 2)

صلاة .. وقت الفرح و الألم و الحزن و التوبة و التسبيح

سفر المزامير يحكي الكتاب المقدس كله بطريقة شعرية .. السفر ده بيعلمنا أهمية الصلاة و قوة التسبحة

ليه ندرس عهد قديم؟


"فتشوا الكتب لأنكم تظنون أن لكم فيها حياة أبدية. وهي التي تشهد لي"

وصية واضحة من ربنا لدراسة العهد القديم (تلتين الكتاب المقدس) ..

1. مانقدرش نستوعب العهد الجديد صح غير من خلال نبوات و أحداث العهد القديم
2. ربنا هو هو أمس و اليوم ... و كذلك الإنسان ... العهد القديم غني جداً في شرح معاملات ربنا مع الإنسان بطريقة تخلينا نفهم ربنا
3. الكلام ده اكتب عشاننا (الوعود و الوصايا لا تتغير) ... ربنا كمل لنا (لم آت لأنقض بل لأكمل)

[i عن السفر](#)





عدد الإصحاحات: 151 مزَمور (أطول سفر في الكتاب كله)

كاتب السفر:

كتاب المزَامِير

عدد المزَامِير	الكاتب
73 مزَمور + المزَمور 151	داود النبي (مرثم إسرائيل الحلو)
12 مزَمور	آساف المرثل
11 مزَمور	بني قورح (فريق التسبيح اليهودي الرسمي)
مزَمورين	سليمان الملك
مزَمور واحد (المزَمور 90)	موسى النبي
مزَمور واحد (المزَمور 89)	إيثان الأزرابي

الكاتب	عدد المزامير
هامان الأزرابي	مزمو واحد (المزمو 88)
كتاب غير معروفين	باقي المزامير

? ظروف الكتابة:

- سفر المزامير مجموعة من المزامير و التراتيل لكتاب مختلفين على مدى عصور مختلفة لشعب إسرائيل .. منسوبة لداود لأنه أكثر واحد كتب مزامير و بعده تلاميذه المرتلين
- المزامير دي كانت بتستخدم في الترتيل و العبادة في الطقس اليهودي عن طريق فرق اللاويين
- اتجمعت المزامير دي في كتاب واحد بعد السبي

✓ هدف السفر:

- المزامير هي **شفاء للنفس** .. بتعالج الفكر و تطرد الأرواح الشريرة (زي ما داود كان بيعمل مع شاول)
- المزامير لازم على طول تكون في فكرنا (احفظ المزامير تحفظك المزامير) .. يُعتَقَد إن داود كان معلق القيثارة فوق السرير بحيث أول ما يصحى يبدأ يومه بالمزامير
- بتدي عمق و غنى روحي كبير جداً
- بتغطي كل المشاعر اللي ممكن تكون عندنا في الصلاة (توبة / شكر / تسبيح / ألم / نبوات عن المسيح ..) .. هي كتاب مقدس داخل الكتاب المقدس (القديس جيروم)

🔑 مفاتيح فهم السفر:

- مزمو = ترتيلة أو قطعة أدبية تُقال بلحن
- فيه أصلين للمزامير: الترجمة اليونانية السبعينية (المستخدمة في الأجيبة) و الترجمة العبرية (المستخدمة في الكتاب المقدس) .. فيه فرق في الترقيم (لأن في الترجمة السبعينية تم تجميع مزموين لمزمو واحد أو العكس)
- ده أغنى سفر في الصلوات .. عند اليهود و عندنا في كنيستنا (في الأجيبة و الليتورجية والصلوات الخاصة من ساعة الآباء الرسل)

- الكنيسة بحكمة ووزعت الكثير من المزامير على صلوات الأجيال بطريقة تنبّهنا لأحداث الساعة دي (القيامة في باكر، حلول الروح القدس في الساعة الثالثة ...)
- لازم نقرأ المزامير بروح العهد الجديد

معاني كلمات المزامير بروح العهد الجديد

الكلمة	المعنى
ممالك الأعداء (زي بابل)	الشیطان أو الخطايا (مالناش عداوة مع أي بشر)
صهيون / أورشليم	السماء أو الكنيسة أو النفس البشرية أو أمنا العذرا
سلاه	وقفه موسيقية عشان نفكر بعمق في المعنى اللي قلناه
مزمو مسياني	يتكلم عن السيد المسيح

ترتيب السفر

المزامير متقسمة تقريباً 4 أجزاء كبار، كل جزء منها ينتهي بجملة واحدة (مبارك الرب إله إسرائيل، من الأزل وإلى الأبد. آمين فآمين) .. والجزء الأخير ينتهي ب 5 مزامير كلها تسبيح .. و المزمور الأخير لوحده

مزمو 1#

طوبى للرجل

من هو الشخص السعيد


مزمو 2#

لماذا ارتجت الأمم

نبوات عن رفض السيد المسيح

1: طوبى للرجل

مزمور #1



كاتب المزمور:

غالباً سليمان الحكيم (طريقة الكتابة متناسبة مع طريقته و حكمته)

مناسبة الكتابة:

سليمان كان غني جداً جداً لكن زي ما نقرأ في سفر الجامعة, كتب إن كل ده باطل .. و كتب في الآخر: يا ابني اتق الله و احفظ وصاياه لأن هذا هو الإنسان كله .. كتب لنا في مزمور ده سر السعادة

المواضيع الرئيسية في المزمور:

- السعادة و النجاح (حتى في العالم) بالثبات في وصايا ربنا .. مش في مجالس اللهو و الاستهزاء
- الشخص الثابت في ربنا زي شجرة مغروسة و قروية كويس و لها ثمار .. مهما هبت عليها الرياح مش هاتهرّجها
- عكس كده الناس الأشرار اللي الرياح بتحرّكهم

استخدامه في طقس الكنيسة:

صلاة باكر - المزمور الأول

في مجلس المستهزين لم يجلس

مزامير 1 : 1

ابن ربنا لازم يحس بخطر من جواه لهما يلاقي أي جلسة على مستوى الأصدقاء قلبت باستهزاء
لو ماقدرش يحول الجلسة لجلسة مفيدة، يبقى لازم يمشي و يحمي نفسه
و يستغل الوقت استغلال صحيح في دراسة كلام ربنا و الثرب منه

نتعلم إيه؟

من هو الشخص السعيد؟ هو اللي يمشي على وصايا ربنا و ناموسه
يا رب خليني أطلي و أدرس في كلامك المقدس نهاراً و ليلاً .. يبقى كلامك هو اللي
يشغل فكري و ينقيه

2: لماذا ارتجت الأمم

مزمور #2



مزمور مسياني

كاتب المزمور:

داود النبي

مناسبة الكتابة:

بعد ما ربنا وعده إن المسيح يأتي من نسله (صموئيل الثاني 7)

المواضيع الرئيسية في المزمور:

- تأمر الرؤساء (الكهنة وبيلاطس وهيرودس) على السيد المسيح .. و في كل زمن فيه مؤامرات على الكنيسة
- ناس بتقول: نقطعه و نرفض كلامه ووصاياه اللي بتقيدنا
- لكن ربنا يستهزئ بهم .. و مع إصرارهم, يظهر لهم غيظه و يؤدبهم
- المسيح جه كمخلص في صهيون مش كديان .. خطة ربنا هي التجسد و الفداء و إن المسيح يملك على الأرض كلها
- و المسيح له سلطان على من يرفضه أن يكسره .. و بالتالي لازم الكل يتوب و يخضع لربنا و يتكل عليه

اقتباسه في الكتاب المقدس:

أعمال الرسل 4 (لما بدأ اضطهاد رؤساء الكهنة على الآباء الرسل, صلوا بالمزمور ده و فسروه كده)

استخدامه في طقس الكنيسة:

- صلاة باكر - المزمور الثاني
- مزمور عيد الميلاد (الرب قال لي أنت ابني وأنا اليوم ولدتك)

الساكن في السماوات يضحك. الرب يستهزئ بهم

مزامير 2 : 4

ربنا بيسكت و يتمهل على الخطاة بهدف توبتهم .. لكن مع العناد المستمر بييجي وقت التأديب

و مهما الناس تعمل خطط على ولاد ربنا, ربنا دايماً بيحامي عن ولاده

نتعلّم إِيه؟

ربنا إلهنا ضابط الكل اللي بيحبنا جداً .. هو الملك اللي يضع حد للشّر في العالم

يا رب خلينا من المتكلمين عليك اللي حياتهم كلها بركة بيك و في حماك 🙏



المراجع 📖

- TheBibleProject
- برنامج فتشوا الكتب (أبونا داود لمعي)
- تبسيط سفر المزامير (أبونا لوقا ماهر)